



Tuhaqtauyukahq



Angiqatigiigut ukununga Nunavut unalu Nunagiya Ualiani Vancouver pipkainiaqtuq pivalliatjutikhanik

IQALUIT, Nunavut (Nuvaippa 16, 2009) Peter Taptuna, Nunavutip Ministaa Pivalliyuliyitkut Inilrayuliyitkunnnullu, uplumi uqaqtuq angiqatigiigutimik ukununga Kuapuliissianut Nunagiyaata Ualiani Vancouver pitjutigiyaangani Nunavut uvani to Vancouver 2010mi Ulapqiniryuami Timimullu Ayuqhautilgit Ulapqiniagut Ukiumi.

“Ilanga kavamapta tikinnahuaqtaa uqautigiyauhimayuq piyakhaptingni uvani *CLC Tamapta* kangiqhipkainahuarluni Nunavunmik Kanatami hilaryuamilu,” uqaqtuq Minista Taptuna. “Una Naunaitkut Angiqatigiingnirmut uvunga Nunagiyaata Ualiani Vancouvermut pitqutigiyauniaqtuq takupkaiyaangani Nunavutim pitquhianijk, kingullikkut pivaktainnik maniliurutiinniklu Ulapqiniryuami.”

Naunaittiaqhimayut angiqatigiigutimi iniqtauyut ippakhaani taamna Ualiani Vancouverp Miiyaa Pamela Goldsmith-Jones aquingmat Iqalungnut Pangnirtungmullu.

“Nunavunmi, tamaita inuit takuyatka aliahuktut Ulapqiniryuakhamut aliagiplugulu paannaringniq,” uqaqtuq Miiya Goldsmith-Jones. “Nuatqatipitingnut aquihimayunullu, hamna itqaumannarniaqtuq pitquhinut ilihautigiyaulunilu piyakhaq pivikhaulunilu nanminiaqtuqariangani.”

Ataani angiqatigiigutip, Nunagiya Ualiani Vancouverp katimapkainiaqtut angiyumik uyarakhinirmut katimavikhaanik, una atilik qaplunaatut “A Mine Altering Experience,” Fipyuali 17, 2010mi. Ilvigiyaa amigaivyaktut uyarakhinuit, Ualia Vancouverp takupkainiaqtuq nutaanik maniliurutikhanik uyarakhinuitullu pivalliatjutainnik uqautigiyauvaktut Nunavunmi.

Ilait takuyakhat ukua qaplunaatut atilik, “20 Days of Multimedia,” nutaanguyuq piksanik qun;ngairut tuhaqtakhailiqinikkullu uqautigiyauyuq takupkaiyuq aulahimanngittumik kahaqtauhimanngittumiklu pinnirnianik Nunavutip. Angiyut piksat Nunavutip nunautaanik inungniklu takuyauniaqtut itirviani uvani Ualiani Vancouverp katimaviani una atia Community Centre Spirit Squaremi, ilitariyauhimayuq 2010mi Quviahukviuyukhaq.

Ulapqinirmi, 2010mi ukuak atilgik Explorer Camps and Educational Explorations Nutaqqanut piniaqtut nakuuyunik ilihautikhainnik uvuuna nutaanik ayuiqtakhainnik, uqauhirnik, qanuq inuunirnik, ukiuqtaqtumi piksaluqhimayunik Inuillu ulapqitjutainnik. Hapkua aallangayut piyakhat ilaqaqtut ukuninnga pulaaqtakhanik Kanatami Ikiarniani Hilaryuap una *Ulapqiniq Ikiarnirmi* takuyakhat - hivulliq takuyakhaq hanayauhimayuq 2010mi Ulapqinirmut.

Uukturumayut Nunavunmi unipkaakhanik iniqtirutiginiaqtaat piyakhaat Ualiani Vancouverp.

“Aliahukpiaqtunga pivikhaqarmata Nunagiyaani Ualiani Vancouverp tuniyakhainnik inungnut Nunavunmiutanut Ulapqiniryuami,” uqaqtuq Minista Taptuna. “Qiniqhianginnaqtugut nutaanik takupkaiyaangani nunaptingnik hilaryuamut, unalu Ualiani Vancouver talvani Ulapqiniryuami nakuuyuq ilailiuriangani.”

###

Tuhaqkhalinikkut apiqutunik, hivayarlugu:

Matthew Illaszewicz
Manager, Communications
Economic Development & Transportation
867-975-7818
millaszewicz@gov.nu.ca

Charlene Warrington
Managing Director
West Vancouver 2010
604-377-6429 cell
604-923-2012
cwarrington@westvancouver2010.ca